

ЛОЙИХА

Ўзбекистон Республикаси Вазирлар Маҳкамасининг қарори

Нодавлат таълим муассасаларининг фаолиятини лицензиялаш тартибини такомиллаштириш чора-тадбирлари тўғрисида

Нодавлат таълим муассасалари фаолиятини лицензиялаш тартибини марказлаштиришга барҳам бериш, бюрократик тўсиқларни бартараф этиш ва мазкур фаолиятни тартибга соловчи норматив-хуқуқий ҳужжатларни такомиллаштириш ҳамда унификациялаш мақсадида Вазирлар Маҳкамаси қарор қиласди:

1. Қуйидагилар:

Нодавлат таълим муассасалари фаолиятини лицензиялаш тўғрисидаги Низомни тасдиқлаш ҳақида 1-иловага мувофиқ;

Вазирлар Маҳкамасининг нодавлат таълим муассасалари фаолиятини лицензиялаш комиссияси ва Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг лицензиялаш бўйича худудий комиссиялари фаолияти тўғрисидаги Низом 2-иловага мувофиқ;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг нодавлат таълим муассасалари фаолиятини лицензиялаш бўйича худудий комиссияларининг Намунавий таркиби 3-иловага мувофиқ тасдиқлансин.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ўн кун муддатда нодавлат таълим муассасалари фаолиятини лицензиялаш бўйича худудий комиссиялар таркибини тасдиқласинлар.

3. Ўзбекистон Республикаси Вазирлар Маҳкамаси ҳузуридаги Давлат тест марказининг директорига ва худудий ўрта маҳсус, касб-хунар таълими бошқармаси бошлиқларига заруриятга кўра, лицензия талабгорлари томонидан тўланадиган йиғимлар ҳисобидан икки штат бирлиги ажратиш хуқуқи берилсин.

4. Вазирлар Маҳкамасининг нодавлат таълим муассасалари фаолиятини лицензиялаш комиссияси:

бир ой муддатда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда ҳудудий комиссиялар фаолиятини самарали ташкил этиш бўйича зарур чора-тадбирларни ишлаб чиқсин ва амалга оширсин;

худудий комиссиялар фаолияти мувофиқлаштириш ва доимий мониторинг олиб боришни таъминласин.

5. Давлат тест маркази 15 кун ичидаги мактабдан ташқари, кадрлар малакасини ошириш ва уларни қайта тайёрлаш таълим турлари бўйича лицензияси амалда бўлган нодавлат таълим муассасаларининг ҳудудлар бўйича рўйхатини Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг нодавлат таълим муассасалари фаолиятини лицензиялаш бўйича ҳудудий комиссияларга тақдим этсин ва мазкур нодавлат таълим муассасалари лицензиясининг белгиланган муддати тугаганидан сўнг амал қилиш муддатини узайтириш, қайта расмийлаштириш ва дубликатини бериш тегишли Ҳудудий комиссиялар томонидан амалга оширилсин.

6. Вазирлар Маҳкамасининг “Нодавлат таълим муассасалари фаолиятини лицензиялаш тўғрисидаги низомни тасдиқлаш ҳақида” 2004 йил 1 мартағи 100-сон қарори (Ўзбекистон Республикаси ҚТ, 2004 й., 3-сон, 20-модда) ва Вазирлар Маҳкамасининг “Нодавлат таълим муассасаларининг чет тилларга ўқитиш соҳасидаги фаолиятини лицензиялаш тартибини соддалаштириш чора-тадбирлари тўғрисида” 2013 йил 14 июндаги 169-сон қарори ўз кучини йўқотган деб ҳисоблансин.

7. Ўзбекистон Республикаси Вазирлар Маҳкамаси ҳузуридаги Давлат тест маркази, Олий ва ўрта маҳсус таълим вазирлиги ҳамда бошқа вазирликлар ва идоралар бир ой муддатда ўзлари қабул қилган норматив-хуқуқий ҳужжатларни ушбу қарорга мувофиқлаштирсин.

8. Мазкур қарор ижросини назорат қилишни ўз зиммамда қолдираман.

**Ўзбекистон Республикасининг
Бош вазири**

А.Арипов